



千金方衍義

中武9
176
23



武
176
卷
23



孫真人千金方衍義卷十七

長洲張 璐路玉著

南沙席世臣郢客校

肺臟方 凡八類

肺臟脈論第一 論一首

論曰肺主魄魄藏者任物之精也為上將軍使在上
行所以肺為五臟之華蓋並精出入謂之魄魄者肺
之臟也鼻者肺之官肺氣通於鼻鼻和則能知香臭
矣循環紫宮上出於頰候於鼻下迴肺中榮華於髮
外主氣內主胸與乳相當左乳庚右乳辛肺重三斤

三兩六葉兩耳凡八葉有十四童子七女子守之神
名鴻鴻主藏魄號為魄藏隨節應會故云肺藏氣氣
舍魄在氣為欬在液為涕肺氣虛則鼻息利少氣實
則喘喝胸憑仰息肺氣虛則夢見白物見人斬血藉
藉得其時則夢見兵戰氣盛則夢恐懼哭泣厥氣客
於肺則夢飛揚見金鐵之器及奇物

凡肺藏象金與大腸合為腑其經手太陰與陽明為
表裏其脈浮相於季夏王於秋秋時萬物之所終宿
葉落柯萋萋枝條杌然獨在其脈為微浮衛氣遲滯
氣數數則在上遲則在下故名曰毛陽當陷而不陷

陰當昇而不昇為邪所中

二氣咸激故為風寒所中

陽中邪則捲

陰中邪則繫捲則惡寒緊則為慄寒慄相搏故名曰
瘧弱則發熱浮乃來出旦中旦發暮中暮發藏有遠
近脈有遲疾周有度 行有漏刻遲在上傷毛采數
在下傷下焦中焦有惡則見有善則匿陽氣下陷陰
氣則溫陽反在下陰反在巔故名曰長而且畱秋脈
如浮秋脈肺也西方金也萬物之所以收成也故其
氣來輕虛而浮來急去散故曰浮反此者病何如而
反其氣來毛而中央堅兩傍虛此謂太過病在外其
氣來毛而微此謂不及病在中太過則令人氣逆而

背痛愠愠然不及則令人喘呼吸少氣而欬上氣見血下聞病音

肺脈來厭厭聶聶如落榆莢曰肺平秋以胃氣為本

肺脈來不上不下如循雞羽曰肺病巢源無不字

肺脈來如物之浮如風吹毛曰肺死

真肺脈至大而虛如以毛羽中人膚色白赤不澤毛

折乃死

秋胃微毛曰平毛多胃少曰肺病但毛無胃曰死毛

而有弦曰春病弦甚曰今病

肺藏氣氣舍魄喜樂無極則傷魄魄傷則狂狂者意

不存人皮革焦毛悴色天死於夏

手太陰氣絕則皮毛焦太陰者行氣溫皮毛者也氣

弗營則皮毛焦皮毛焦則津液去津液去則皮節傷

皮節傷者則爪一作皮枯毛折毛折者則氣先死丙篤

丁死火勝金也

肺死藏浮之虛按之弱如葱葉下無根者死秋金肺

王其脈微澀而短曰平反得大而緩者是脾之乘肺

子之歸母為虛邪雖病易治反得沉濡而滑者是腎

之乘肺子之乘母為實邪雖病自愈反得浮大而洪

者是心之乘肺火之尅金為賊邪大逆十死不治反

得弦細而長者是肝之乘肺木之陵金為微邪雖病
即瘥肝乘肺必作虛

右手關前寸口陰絕者無肺脈也若短氣欬逆喉中
塞噫逆刺手陽明治陽

右手關前寸口陰實者肺實也若小氣胸中滿膨膨
與肩相引刺手太陰治陰

肺脈來泛泛輕如微風吹鳥背上毛再至曰平三至
曰離經病四至脫精五至死六至命盡手太陰脈也
肺脈急甚為癩疾微急為肺寒熱怠惰欬唾血引腰
背胸若鼻息肉不通緩甚為多汗微緩為痿漏風一作

偏風頭已下汗出不可止大甚為脛腫微大為肺痺引

胸背起腰內小甚為殄泄微小為消痺滑甚為息賁
上氣微滑為上下出血瀉甚為嘔血微瀉為鼠瘻在
頸肢腋之間下不勝其上其能喜酸

肺脈搏堅而長當病唾血其濡而散者當病漏一作

汗至今不復發散

白脈之至也喘而浮上虛下實驚有積氣在胸中喘
而虛名曰肺痺寒熱得之醉而使內也

黃帝問曰經脈十二而手太陰之脈獨動不休何也
岐伯對曰足陽明胃脈也胃者

五臟六腑之海

胃脈在足趺上大趾間上行三王骨解中是也

其精氣上清

注於肺肺氣從太陰而行之其行之也以息往來故人一呼脈再動一吸脈亦再動呼吸不已脈動不止黃帝問曰氣口何以獨爲五臟主岐伯對曰胃者水穀之海六腑胃居其大五味入於口藏於胃以養五臟氣氣口者太陰是也臟腑之氣味皆出於胃變見於氣口氣口屬腑藏主卽呼寸口者也

扁鵲曰肺有病則鼻口張實熱則喘逆胸憑仰息其陽氣壯則夢恐懼等虛寒則欬息下利小氣其陰氣壯則夢涉水等肺在聲爲哭在變動爲欬在志爲憂憂傷肺精氣并於肺則悲也

味主秋結滿而血者病在胸及以飲食不節得病者取之合故命曰味主合

病先發於肺喘欬三日之肝脇痛支滿一日之脾閉塞不通身痛體重五日之胃腹脹十日不已死冬日

入夏日出病在肺下晡慧日中甚夜半靜

假令肺病南行若食馬肉及麋肉得之不者當以夏時發得病以丙丁日也宜赤藥

凡肺病之狀必喘欬逆氣肩息背痛汗出尻陰股膝攣髀膕胫足皆痛虛則少氣不能報息耳聾隘乾取

其經手太陰足太陽之外厥陰內少陰血者

肺脈沉之而數浮之而喘苦洗洗寒熱腹滿腸中熱
小便赤肩背痛從腰以上汗出得之房內汗出當風
肺病其色白身體寒但無熱時時欬其脈微遲爲可
治宜服五味子大補肺湯瀉肺散春當刺少商夏刺
魚際皆瀉之季夏刺大淵秋刺經渠冬刺尺澤皆補
之又當灸臍中百壯第三椎二十五壯
邪在肺則皮膚痛發寒熱上氣氣喘汗出欬動肩背
取之膺中外膺背第三椎之傍以手重按之快然乃
刺之取之缺盆中以越之

形寒寒飲則傷肺以其兩寒相感中外皆傷故氣逆
而上行肺氣傷其人勞倦則欬唾血其脈細緊浮數
皆吐血此爲躁擾喘怒欬逆肺傷氣擁所致也
肺中風者口燥而喘身運而重冒而腫脹
肺中寒者其人吐濁涕
肺中水者其人身體腫而小便難時時大便如鴨澹
肺脹者虛而滿喘欬目如脫狀其脈浮大
太陽脈浮緩少陽脈微緊微爲血虛緊爲微寒此爲
鼠乳診得肺積脈浮而毛按之辟易脇下時時痛逆
背相引痛少氣善忘目瞑結癰皮膚寒秋愈夏劇主

皮中時痛如蝨緣之狀甚者如鍼刺之狀時癢色白也

肺之積名曰息賁在右脇下覆大如杯久久不愈病灑灑寒熱氣逆喘欬發肺癰以春甲乙日得之何也心病傳肺肺當傳肝肝適以春王王者不受邪肺復欲還心心不肯受因畱結為積故知息賁以春得之肺病身當有熱欬嗽短氣唾出膿血其脈當短濇今反浮大其面當白而反赤者此是火之尅金為大逆十死不治商音人者主肺聲也肺聲哭其音磬其志樂其經手太陰厥逆陽明則榮衛不通陰陽反作陽

氣內擊陰氣外傷傷則寒寒則虛虛則厲風所中噓吸戰掉語聲嘶塞而散下氣息短憊四肢辟弱面色少葩遺失便利甚則不可治依源麻黃續命湯主之

方見第八卷賊風篇中

又言音喘急短氣好唾此為火尅金陽

擊陰陰氣沉陽氣昇昇則實實則熱熱則狂狂則閉眼悸言非常所說口赤而張飲無時度此熱傷肺肺化為血不治若面赤而鼻不欬可治也

肺病為瘧者令人心寒寒甚則熱熱間善驚如有所見者恒山湯主之

方見第十卷溫瘧篇中

若其人本來語聲雄

烈忽爾不亮掩氣用力方得出言而反於常人呼其

千金方卷十七
語直視不應雖曰未病勢當不久此則肺病聲之候也
也察觀疾病表裏相應依源審治乃不失也

白爲肺肺合皮白如豕膏者吉肺主鼻鼻是肺之餘
其人金形相比於上商白色小頭方而小肩背小腹
小手足發動身輕精廉急心靜悍性喜爲吏耐秋冬
不耐春夏春夏感而生病主手太陰廉廉然肩膺厚
薄正竦則肺應之正白色小理者則肺小小則少飲
不病喝喘粗理者則肺大大則虛虛則寒喘鳴多飲
善病胸喉痺逆氣巨肩反膺陷喉者則肺高高則實
實則熱上氣肩息欬逆合腋張脇者則肺下下則逼

黃迫肝善脇下痛鼻塞或壅而涕生息肉好肩背厚
者則肺堅堅則不病欬上氣肩背薄者則肺脆脆則
易傷於熱喘息鼻衄肩膺好者則肺端正端正則和
利難傷膺偏欹者則肺偏傾偏傾則病胸偏痛鼻亦
偏疾凡人分部陷起者必有病生大腸陽明爲肺之
部而藏氣通於內外部亦隨而應之沉濁爲內浮清
爲外若外病內入則所部起內病裏出則所部陷外
入前治陽後治陰內出前治陰後治陽實瀉虛補陽
主外陰主內凡人死生休否則藏神前變形於外人
肺前病鼻則爲之孔開焦枯若肺前死鼻則爲之梁

折孔閉青黑色若天中等分墓色應之必死不治看
色深淺斟酌賒促遠不出一年促不延時月肺疾少
愈而卒死何以知之曰赤黑如拇指鑿點見顏頰上
此必卒死肺絕三日死何以知之口張但氣出而不
還面白目青是謂亂經飲酒當風風入肺經膽氣妄
泄目則爲青雖有天救不可復生面黃目白如枯骨
死吉凶之色在於分部順順而見赤白入鼻必病不
出其年若年間不應三年之中禍必應也

秋金肺脈色白主手太陰脈也秋取經膺秋者金始
治肺將收殺金將勝火陽氣在合陰氣初勝濕氣及
體陰氣未盛未能深入故取膺以瀉陰邪取合以虛
陽邪陽氣始衰故取於合其脈本在寸口之中掌後
兩筋間二寸中應在腋下動脈其脈根於太倉太倉
在臍上三寸一分是也
其筋起於手大指之上循指上行結於魚後行寸口
外側上循臂結肘中上臍內廉入腋下上出缺盆結
肩井前上結缺盆下結胸裏散貫膈下抵季脇
其脈起於中焦下絡大腸還循胃口上膈屬肺從肺
系橫出腋腋下循臍內行少陰心主之前下肘中後
循臂內上骨下廉八寸口上魚循魚際出大指之端

其支者從腕後直次指內廉出其端合手陽明爲表
裏陽明之本在肘骨中同會於手太陰太陰之別名
列缺起於腋下分間並太陰之經直入掌中散入於
魚際別走手陽明主肺生病病實則大腸熱熱則手
兌掌起起則陽病陽脈反逆大於寸口三倍病則欬
上氣喘渴煩心胸滿膈臂內前廉痛掌中熱氣盛有
餘則肩背痛風汗出中風虛則大腸寒寒則欠欬小
便遺數數則陰病陰脈反小於寸口一倍病則肩背
寒痛少氣不足以息季脇空痛尿色變卒遺失無度
秋三月者主肺大腸白氣裡病也其源從太陽擊手

太陰太陰受淫邪之氣則經絡壅滯毛皮緊豎發泄
邪生則臟腑傷溫隨秋受癘其病相反若腑虛則爲
陰邪所傷乍寒乍熱損肺傷氣暴嗽嘔逆若臟實則
爲陽毒所損體熱生斑氣喘引飲故曰白氣裡病也
扁鵲曰灸心肝二腧主治丹毒白裡病當依源爲療
調其陽理其陰則臟腑之病不生矣

肺虛實第二

脈四首 方二十首
灸法三首

肺實熱

右手寸口氣口以前脈陰實者手太陰經也病苦肺
脹汗出若露上氣喘逆咽中塞如欲嘔狀名曰肺實

熱也

治肺實熱胸憑仰息泄氣除熱方

石膏 八兩

白前

杏仁 各三兩

白朮

橘皮 各五兩

枸杞根皮 切二升

赤蜜 七合

右七味咬咀以水七升煮取二升去滓下蜜煮三沸分三服

衍義

肺為天一生水之上源脾為厚土生金之肺母今因肺過熱燥不能施白露下降之令故用石膏白朮赤蜜滋降秋燥杏仁橘皮枸杞根皮泄其逆滿

尤妙在白朮一味培土安金填塞壯火遊行之路庶幾金不受燥水能承制而無陰火上協心包逆乘母氣之虞設不預為籌度專力耗氣泄火未免熱去寒起則與時師奚擇哉黃兩將去利不藥煮治肺熱悶不止胸中喘急驚悸客熱來去欲死不堪服藥泄胸中喘氣方

桃皮

芫花 各一升

右二味咬咀以水四斗煮取一斗五升去滓以故布手巾內汁中薄胸溫四肢不盈數日即歇

衍義

肺合皮毛肺氣內壅已極不堪更以湯藥助滿故

用破血導水之味漬布搭胸使藥氣內通濁氣外泄乃奇兵解圍之策從十三篇中悟出

橘皮湯 治肺熱氣上欬息奔喘方

橘皮

麻黃

柴胡

紫蘇

刪繁作乾 藍各三兩

杏仁

宿薑

各四兩

石膏

八兩

右七味咬咀以水九升煮麻黃兩沸去沫下藥煮取三升去滓分三服不瘥與兩劑

衍義

肺滿上氣喘欬本當用麻黃越婢麻杏甘石等方慮其甘艸大棗助滿故易橘皮紫蘇以散上奔之

氣膽欲大而心欲小之作用略見一斑
治肺熱喘息鼻衄血方

羚羊角

元參

射干

雞蘇

芍藥

升麻

蘘皮

各三兩

生地

切一升

梔子仁

四兩

淡竹茹

雞子大一枚

右十味咬咀以水九升煮取三升分三服須利者下芫硝三兩更煮三沸

衍義

肺熱喘衄良由龍雷煽虐反侮肺金之象故用羚羊入肝散血射干入肺散氣梔子蘘皮分解于內

升麻雞蘇開提於上芍藥地黃順血下注元參竹
茹抑火前通若勢劇須利者下芫硝以急奪之自
然龍火潛蹤金不受侮烏有喘衄之患乎

治肺熱飲酒當風風入肺膽氣妄泄目青氣喘者

方

麻黃

四兩

甘艸

五味子

各三兩

杏仁

五十粒

母薑

五兩

淡竹葉

切一升

右六味咬咀以水七升先煮麻黃去沫下諸藥煮
取三升去滓分三服

衍義

前方以梔子藥皮佐羚羊散上溢之血升麻雞蘇

佐射干散上盛之氣此方以竹茹杏仁佐麻黃開
發肺氣五味甘艸佐母薑收攝膽泄膽寧則目青
自除風息則氣喘自已二方所宗總不出梔子藥
皮湯麻黃連軹赤小豆湯射干麻黃湯等方之變

法

瀉肺散

治酒客勞倦或出當風喜怒氣舍於肺

面目黃腫起卽頭眩欬逆上氣時忽忽欲絕心
下弦急不能飲食或吐膿血胸痛引背支滿欲

嘔方

五味子

百部

各二兩半

茯苓

掃葉山房

附子

肉蓯蓉

石斛

當歸

遠志

川續斷各一兩

細辛

甘艸各七分

防風

川椒

紫苑

桂心

乾薑

欬冬各一兩半

桃仁六十枚

杏仁三十枚

右十九味治下篩酒服方寸匕日三後稍加至三七

衍義

瀉肺而用紫苑欬冬茯苓專為酒客湊肺而設防風細辛杏仁專為風客於肺而設五味百部石解

專為木盛生風而設當歸續斷桃仁專為勞倦傷血胸痛引背而設甘艸乾薑川椒專為飲食欲吐面目黃腫而設桂附遠志蓯蓉專為起卽頭眩忽忽欲絕上盛下虛而設苟非固脾腎之根本安能任肺氣之疎泄歟

灸法

肺脹氣搶脇下熱痛灸陰都隨年壯穴在俠胃腕兩邊相去一寸胃腕在心下三寸肺脹脇滿嘔吐上氣等病灸大椎并兩乳上第三肋間各七壯

肺與大腸俱實

右手寸口氣口以前脈陰陽俱實者手太陰與陽明經俱實也病若頭痛目眩驚狂喉痺痛手臂捲唇吻不收名曰肺與大腸俱實也

煮散 治肺與大腸俱實令人氣憑滿方

麻黃

茯苓

各六分

黃芪

大青

桂心

各三分

細辛

杏仁

各五分

石膏

二兩

丹參

半兩

五味子

甘艸

橘皮

貝母

川芎

各一兩

枳實

三枚

右十五味治下篩為粗散帛裏一方寸七半以井花水一升五合煮取七合為三服日再

衍義

邪之所湊其氣必虛故治肺與大腸俱受客邪而實用麻黃湯及麻杏甘石湯之製以解風從火化之熱必兼五味以收肺氣之逆黃芪以斂麻黃之散其餘等味皆疎泄痰氣之亞耳

肺虛冷

右手寸口氣口以前脈陰虛者手太陰經也病苦少氣不足以息盛乾不津液名曰肺虛冷也

治肺虛冷聲嘶傷語言用力戰掉緩虛脊風入肺

方

防風

獨活

川芎

秦椒

乾薑

黃芪 各二十
四銖

天雄

麻黃

山萸肉

五味子 各三十
八銖

甘艸 三十
六銖

秦艸

桂心

山藥

杜仲

人參

細辛

防己 各二
十銖

菊花

紫苑 各二十
四銖

貫眾 二枚

附子 七分

右二十二味治下篩以酒服方寸七日二一方

有石膏六分當歸五分

衍義

風入肺絡而致聲嘶語難用力戰掉故用麻黃附

子細辛開發肺寒防己貫眾通行經脈參芪甘艸

保護肺氣雄桂椒薑協濟附子之雄防獨芎秦助

力麻辛之散萸味薯杜匡扶參芪之補甘菊紫苑

專化雄附之烈其方似乎龐雜而實井井有條各

具相制之妙非洗心求之不能得其奧義

酥蜜膏酒 治肺氣虛寒癘風所傷語聲嘶塞氣

息喘憊欬唾上氣通聲方

酥

崖蜜

飴糖

生薑汁

生百部汁

棗肉

杏仁

各一升研

柑皮

五具末

右八味合和微火煎常攪三上三下約一炊久取薑汁等各減半止溫酒一升服方寸七細細咽之日二夜一

又方

猪脰

三具

大棗

百枚

右二味以酒五升漬之秋冬七日春夏五日出布絞去滓七日服盡二七日忌鹽羊脰亦得治欬嗽胸脇支滿多喘上氣尤良肘后方治久欬上氣二十年諸治不痊者

治肺寒損傷氣嗽及涕唾鼻塞方

棗肉

二斤研作脂

杏仁

二升熬研為脂

酥

生薑汁

白糖

白蜜

生百部汁

各一升

右七味合和微火煎常攪約一炊久下之細細溫

清酒服二合日二

衍義

肺竅為風寒所襲而致喘欬上氣語聲嘶塞故用

薑汁杏仁柑皮百部溫散肺絡之結膠飴棗肉乳

酥崖蜜通行脾肺之津津回燥潤津自復矣厥後

大腸腑門通聲膏從此化出 又方專取猪脰滌

除痰垢大棗通行津液漬酒治證如前或易羊脛入肺尤捷 又方即酥蜜膏酒信用棗肉杏仁之通津而去柑皮之耗氣

補肺湯 治肺氣不足逆滿上氣咽中悶塞短氣寒從背起口中如含霜雪言語失聲甚者吐血

方

五味子 三兩

乾薑

桂心

欵冬花 各二兩

麥冬 一升

桑根白皮 一斤

大棗 一百枚

粳米 二合

右八味咬咀以水一斗先煮桑白皮五沸下藥煮

取三升分三服

又方 治肺胃虛寒喘乏少食不能飲食

黃芪 五兩

甘艸

鍾乳

人參 各二兩

地黃

桂心

茯苓

白石英

桑白皮

厚朴

乾薑

紫苑

橘皮

當歸

五味子

遠志

麥冬 各三兩

大棗 二十枚

右十八味咬咀以水一斗四升煮取四升分三服

日三夜二

又方 治肺氣不足欬逆上氣牽繩而坐吐沫唾
血不能飲食方

蘇子 一升

桑白皮 五兩

半夏 六兩

紫苑

人參

甘艸

五味子

杏仁 各二兩

欬冬花

射干 各一兩

麻黃

乾薑

桂心 各三兩

細辛 一兩半

右十四味咬咀以水一斗二升煮取三升半分五服日三夜二

又方 治肺氣不足欬逆短氣寒從背起口中如

含霜雪語無聲音而渴舌本乾燥方

五味子

蘇子 各一升

白石英

鍾乳 各三兩

欬冬花

竹葉

橘皮

桂心

桑白皮

茯苓

紫苑 各一兩

麥冬 四兩

生薑 五兩

杏仁 五十枚

粳米 二合

大棗 十枚

右十六味咬咀以水一斗三升先煮桑白皮粳米
大棗以米熟去滓內諸藥煮取五升分六服日三
又方 治肺氣不足心腹支滿欬嗽喘逆上氣唾

膿血胸背痛手足煩熱惕然自驚皮毛起或哭
或歌或怒乾嘔心煩耳中聞風雨聲面色白方

欵冬花

桂心

各二兩

桑白皮

一斤

生薑

五味子

鍾乳

各三兩

麥冬

四兩

粳米

五合

大棗

十枚

右九味咬咀以水一斗二升先煮粳米棗令熟去
滓內藥煎取二升分三服温服之 一方用白石

英二兩

廣濟有紫苑人參各二兩名紫苑湯

衍義

補肺湯五方首言寒從背起背者胸之腑肺之舍

故用乾薑桂心温胸中之寒欵麥二冬滋胸中之

燥五味桑皮理胸中之邪大棗粳米培胸中之氣

温補肺臟本寒而兼清解標熱也 其第二方兼

温補肺胃虛寒故用鍾乳石英薑桂之屬力助參

芪之補氣歸地之滋血且中藏生脈以化石藥之

悍厚朴橘皮紫苑桑皮開泄胸中之滯 其第三

方雖證見欵吐涎沫因有胸中引急知為正虛邪

實故於射干麻黃湯中除去大棗之戀膈參入麻

黃湯中桂甘二味更加人參易乾薑助胃祛邪蘇

子桑皮止逆安神乃寓補於瀉之奧旨非精熟金

匱之法者難以語此 其第四方方下主治較之

首方惟吐血舌乾稍為不同然方中紫苑欵麥二冬未嘗不治吐血但易生薑加竹茹專為舌乾起見必其人形神羸瘠以故參之第二方中石英鍾乳兼溫肺胃二經也 其第五方良由金衰不能制木木邪橫干諸藏方下所云心腹支滿濁陰逆上也欵逆上氣唾膿血胸中痛火逆上乘肺位也手足煩熱四肢為諸陽之本也惕然自驚邪干心包也皮毛起或哭邪干肺也或歌邪干脾也或怒木邪自暴也乾嘔邪干胃也煩心邪干膻中也耳聞風雨聲陰邪上走腎竅也雖證見諸經受邪總

以收攝虛陽兼清旺氣為主方中鍾乳桂心五味非收攝虛陽之用乎欵麥一二冬桑皮薑棗粳米非兼清旺氣之用乎合五方論之可見補正必需辛溫散標不離清潤

麻子湯 治肺氣不足欵唾膿血氣短不得臥方

麻子一升 桑皮一斤 餽各一斤

桂枝各二兩 人參各二兩 阿膠

紫苑各一兩 生薑三兩 乾地黄四兩

右九味咬咀以水一斗五升合煮取四升分五服
此炙甘艸湯之變方因欵唾血膿肺中津傷故用

衍義
掃葉山房

人參阿膠地黃麻仁以滋津血之燥生薑桂枝以散肺氣之結紫苑卽甘艸之變味桑皮卽麥冬之變味錫糖則大棗之變味耳

錫煎 治肺氣不足咽喉苦乾方

作錫任多少取乾棗一升去核熟搗水五升和使相得絞去滓澄去上清取濁者內飴中攪火上煎勿令堅令連連服如雞子大漸漸服之目三夜一

^衍肺胃一氣貫通肺氣不足實由胃中津枯不能上滋於肺所以咽喉苦乾但取建中湯中之二以資

胃氣而助蒸化之力也

治肺風氣萎絕四肢滿脹喘逆胸滿方

灸肺腧各二壯肺腧對乳引繩度之在第三椎下兩傍相去各一寸五分

肺與大腸俱虛

右手寸口氣口以前脈陰陽俱虛者手太陰與陽明經俱虛也病苦耳鳴嘈嘈時妄見光明情中不樂或如恐怖名曰肺與大腸俱虛也

小建中湯 治肺與大腸俱不足虛寒乏氣小腹拘急腰痛羸瘠百病方

大棗十二枚

生薑

桂心各三兩

甘艸二兩

芍藥六兩

右五味咬咀以水八升煮取三升去滓合飴糖入

兩煮三沸分三服

肘後用黃芪人參各二兩名黃芪建中湯

衍義

桂本血藥而辛溫散邪恐其動血故以芍藥護持

榮氣不使隨桂外泄得甘艸之甘溫而和寒熱諸邪薑棗之辛甘而和榮衛諸氣為風傷衛之首方參入膠飴一味取稼穡之甘便為建中專藥所以寒傷榮之尺中脈微虛寒之裏氣不足咸賴乎此允為虛羸和解中外之聖法

肺勞第三

論一首 方三首 灸法一首

論曰凡肺勞病者補腎氣以益之腎王則感於肺矣人逆秋氣則手太陰不收肺氣焦滿順之則生逆之則死順之則治逆之則亂反順為逆是為關格病則生矣

麻黃引氣湯 治肺勞實氣喘鼻張面目苦腫方

麻黃

杏仁

生薑

半夏

各五分

紫蘇

四分

白前

細辛

桂心

各三分

橘皮

二分

石膏

八兩

竹葉

切一升

右十一味咬咀以水一斗煮取三升去滓分三服
衍義勞役而邪并於肺故用金匱厚朴麻黃湯中麻黃
石膏杏仁細辛以泄肺滿澤漆湯中半夏生薑白
前桂心以滌痰垢參入紫蘇橘皮竹葉以助麻黃
半夏石膏之力引清氣上升濁氣下降喘息面腫
隨手可瘥矣

半夏湯 治肺勞虛寒心腹冷氣逆氣胸膈氣滿
從胸達背痛飲食即吐虛乏不足方

半夏 一升
生薑 一斤
桂心 四兩
厚朴 各二兩
人參

橘皮 麥冬 各三兩
右八味咬咀以水一斗煮取四升分四服腹痛加
當歸二兩

衍義勞乏而胸中陽氣不布濁陰上攻逆滿原非本虛
之謂故用參桂薑半温中麥冬甘艸滋肺即兼厚
朴橘皮開泄滯氣胸中陽氣得人參薑桂守護之
力則濁陰不復上僭矣

厚朴湯 治肺勞風虛冷痰澀水氣晝夜不得臥
頭不得近枕上氣胸滿喘息氣絕此痰水盛溢

方

厚朴

麻黃

桂心

黃芩

石膏

大戟

橘皮

各二兩

枳實

甘艸

秦艸

杏仁

茯苓

各三兩

細辛

二兩

半夏

一升

生薑

十兩

大棗

十五枚

右十六味咬咀以水一斗三升煮取四升去滓分

五服

衍義

痰癖水氣積於胸中不能眠臥故彙採金匱射干麻黃湯厚朴麻黃湯澤漆湯中泄肺諸味參入大

戟與射干澤漆味雖變而功用不殊其餘枳橘茯

苓秦艸不過為麻朴薑半之佐輔苟不知金匱之

淵源無以推千金之發派

治喉痺氣逆欬嗽口中唾涎方

灸肺腧七壯亦可隨年至百壯

氣極第四

論一首 灸法二首

方六首

論曰凡氣極者主肺也肺應氣氣與肺合又曰以秋
遇病為皮痺皮痺不已復感於邪內舍於肺則寒温
之氣客於六腑也若肺有病則先發氣氣上衝胸常
欲自恚以秋庚辛日傷風邪之氣為肺風肺風之狀

多汗若陰傷則寒寒則虛虛則氣逆欬欬則短氣暮
則甚陰氣至濕氣生故甚陰畏陽氣晝日則瘥若陽
傷則熱熱則實實則氣喘息上胸臆甚則唾血然陽
病治陰陰是其裏陰病治陽陽是其表是以陰陽表
裏衰王之源故知以陽調陰以陰調陽陽氣實則決
陰氣虛則引善治病者初入皮毛肌膚筋脈則治之
若至六腑五臟半死矣
扁鵲曰氣絕不治喘一作奔而冷汗出一日死氣應手
太陰太陰氣絕則皮毛焦氣先死矣
鍾乳散 治氣極虛寒陰畏陽氣晝瘥暮甚氣短

息寒亦治百病令入力強能飲食去風冷方

鍾乳 別研 乾薑 桔梗

茯苓 細辛 桂心

附子 人參 各一兩 白朮 一兩

防風 栝藁根 牡蠣 各一兩

右十二味治下篩酒服方寸七日三漸加至二七
五十以上可數服得方乃止 翼方云有冷加椒
有熱加芩各三兩

術義 氣極虛寒而用鍾附薑桂細辛參苓白朮世所共
能反用栝防之耗氣栝藁之化熱牡蠣之斂陰人
所共昧曷知耗氣專為救本化熱專為散標斂陰

專為復陽能達此義則鍾乳白朮之反激亦可從此聆悟矣腎臟門中寒食鍾乳散即此

黃芪湯 治氣極虛寒皮毛焦津液不通虛勞百

病虛損力乏方

黃芪 四兩

人參

白朮

桂心 各二兩

生薑 八兩

大棗 十枚

附子 三十銖一方不用

右七味咬咀以水八升煮取二升去滓分四服

衍義

前方兼治標熱故須耗氣斂陰此方專力救本所以純用溫補但加薑棗以和榮衛通津液也

大露宿丸 治氣極寒痺不已內舍於肺寒氣入

客於六腑腹脹喘滿寒冷積聚百病方

礪石 肘後作礪石

乾薑

桂心

皂莢

桔梗

附子 各三兩

右六味為末蜜丸如梧子大酒服十九日三漸加之慎熱及火等

衍義

衍義見前第十六卷痼冷積熱門

硫黃丸 治氣極虛寒澀飲胸中痰滿心腹痛氣

急不下飲食方

硫黃

礪石

乾薑

附子

烏頭

桂心

細辛

白朮

桔梗

茯苓

各二兩

右十味為末蜜丸如梧子酒服十九日三漸加之

以知為度

肘後無白朮桔梗茯苓用吳茱萸川椒人參皂莢當歸十二味為丸用治人大

冷夏月溫飲食不解衣者

衍義

硫黃專化陰毒礬石專攻堅癖餘皆辛熱破積峻

味惟桔梗茯苓為化熱毒之用

大前胡湯 治氣極傷熱喘息衝胸常欲自恚心

腹滿痛內外有熱煩嘔不安方

前胡

八兩

半夏

麻黃

芍藥

各四兩

生薑

五兩

黃芩

三兩

枳實

四枚

大棗

十二枚

右八味咬咀以水九升煮取三升去滓分三服

衍義

氣極傷熱而用前胡麻黃開發於外半夏枳實消

豁於內芍藥黃芩清解於中生薑大棗兼和中外

也

竹葉湯

治氣極傷熱氣喘甚則唾血短乏不欲

食口燥咽乾方

竹葉

二升

麥冬

小麥

生地各一升

生薑

石膏各六兩

麻黃三兩

甘艸一兩

大棗十枚

右九味咬咀以水一斗煮取三升去滓分三服

衍義氣極傷肺而至喘乏唾血用越婢全方以治旺氣

惟恐津血愈傷故加竹葉以清喘乏冬地以滋津

血小麥以除臟燥然小麥入於越婢方中則與厚

朴麻黃湯中匡佐麻黃石膏發越內動肝風無異

灸法

嘔吐上氣灸尺澤不三壯則七壯尺澤在腕後肘中

橫文

腹中雷鳴相逐食不化逆氣灸上脘下一寸名太倉

七壯

積氣第五

論二首 方五十一首 灸法二十四首

論曰七氣者寒氣熱氣怒氣恚氣喜氣憂氣愁氣凡

七種氣積聚堅大如杯若積在心下腹中疾痛不能

飲食時來時去每發欲死如有禍祟此皆七氣所生

寒氣即嘔逆惡心熱氣即說物不竟而迫怒氣即上

氣不可忍熱痛上搶心短氣欲死不得息恚氣即積

聚在心下不得飲食喜氣即不可疾行不能久立憂

氣即不可劇作暮臥不安愁氣即喜忘不識人語置

物四方還取不得去處若聞急卽四肢腫手足拘攣捉不能舉如得病此是七氣所生男子卒得飲食不時所致婦人卽產後中風諸疾也

七氣丸

烏頭

大黃

各七分

紫苑

半夏

前胡

細辛

丹參

茯苓

川芎

桃仁

胡洽作杏仁

菖蒲

一作芍藥

石膏

吳茱萸

桂心

桔梗

各三分

人參

甘艸

防葵

各一分

乾薑

川椒

各半兩

右二十味爲末蜜丸如梧子大酒服三九日三加

至十九丸一方去半夏加甘遂三分

胡洽無丹參甘艸

七氣丸主七氣七氣者寒氣熱氣怒氣恚氣喜

氣憂氣愁氣此之爲病皆生積聚堅牢如杯心

腹絞痛不能飲食時去時來發則欲死凡寒氣

狀吐逆心滿熱氣狀恍惚眩冒失精怒氣狀不

可當熱痛上盪心短氣欲絕不得息恚氣狀積

聚心滿不得食飲喜氣狀不可疾行久立憂氣

狀不可苦作臥不安席愁氣狀平故如怒喜忘

四肢附腫不得舉止亦治產後中風餘疾方

大黃一兩半 人參 半夏

吳萸 柴胡 乾薑

細辛 桔梗 菖蒲各二分

茯苓 川芎 甘艸

川椒一用桂心 石膏 桃仁各三分

右十五味為末蜜丸如梧子大每服酒下三九日

三服漸加至十九翼方無茯苓川芎

衍七氣丸首方雖用參桂薑半甘艸之屬以治憂愁

義喜耗諸氣猶恐辛溫之力不建不能治寒熱毒怒

諸氣所以更加烏萸椒辛助大黃防葵以破結桃

芎丹苑以和血前結菖苓以散氣石膏一味專泄

旺氣耳其第二方較前用法稍緩不用烏頭防

葵之峻力破結裁去紫苑丹參之紆緩紛龐又以

柴胡之升散易前胡之降泄設見筋攣不舉而無

大吐嘔逆不妨以桂心之溫血易川椒之下氣未

為不可

七氣湯 治寒氣熱氣憂氣勞氣愁氣或飲食為

膈氣或勞氣內傷五臟不調氣衰少力方

乾薑 黃芩 厚朴深師作桂心

掃葉山房

半夏

甘艸

地黃

芍藥

栝蔞根

川椒

深師作橘皮

各二兩深師作桔梗

枳實

五枚

人參

一兩

吳萸

五合

右十二味咬咀以水一斗煮取三升分三服日三

又方 治虛冷上氣勞氣等方

半夏

一升

人參

生薑

桂心

甘艸 各一兩

右五味咬咀以水一斗煮取三升分三服日二

衍義

湯丸主治有暴久微甚之分久而劇者非丸無以克應暴而虛者湯液便可宣通七氣湯首方用椒

薑萸半散結人參甘艸助氣則與丸方無異若其

人素稟血熱則兼芍地以化薑椒之燥芩蔞以清

肺胃之熱枳朴以滌內積之氣也 其第二方不

用椒萸而用桂心不用乾薑而用生薑以助半夏

人參甘艸之力以無標熱濁積故不用餘藥所以

和劑局方取此以為七氣之法

五膈丸 治憂膈食膈飲膈氣膈勞膈五病同主

咸以憂恚思慮飲食得之若冷食及生菜便發

其病苦心滿不得氣息引背痛如刺之狀食則

心下堅大如粉絮大痛欲吐吐即瘥飲食不得

下甚者及手足冷上氣欬逆喘息短氣方

麥冬

甘艸各五兩

人參四兩

川椒

遠志

桂心

細辛

各三兩

附子

一兩半

乾薑

一兩

右九味為末蜜丸微使淖先食含如彈丸一枚細

細咽之喉中胸中當熱藥力稍盡復含一九日三

夜二服藥十日愈延年方云若不能含者可分一

增麥冬甘艸人參胡洽云亦可作梧子大小丸酒

腹服之如寒冷則心痛咽中有物

衍

噎之與膈本同一氣膈病之始靡不由噎而成原

其大槩不外乎鬱故張雞峯以為神思間病其受

病之源非止一端嘗攷五噎之中獨多思噎五膈

之中獨多飲膈每見多思慮人每患氣噎經謂思

則氣結是也好熱飲人每患酒膈丹溪謂之死血

是也然血膈亦非止一端往往有勇力過甚血菀

於胃阻礙飲食成膈者即如靈樞蟲為下膈亦不

過言下膈有此一證若夫命門火衰不能溫養土

藏食晬時乃出者得非下膈之證乎而素問又有

三陽結謂之膈言小腸大腸膀胱之津血俱結如

廁澀難下不通而上逆勢所必然所以五膈九中

不用萸朮荅橘之燥而用麥冬上滋肺氣甘艸中
安胃氣遠志下通腎氣上下交通何有阻膈之患
乎其方雖列肺臟而飲食不下膈塞不通邪在胃
脘其間所用椒辛薑桂附子人參等味却與五噎
丸中不異也

治結氣冷癥積在脇下及脚氣上入小腹腹中脹
滿百病方

大蒜去心皮三升搗令極熟以水三升和令調
絞取汁更搗餘滓令熟更以水三升和令調絞
取汁更搗餘滓令熟更以水三升和令調絞取
汁合得九升所得滓可桃顛大棄之以微火煎
取三升下牛乳三升合煮取三升旦起空腹一
頓溫服令盡至申時食三日服一劑三十日服
十劑止

大蒜煎 治疝瘕積聚冷癖痰飲心腹脹滿上氣
咳嗽刺風風癩偏風半身不遂腰疼膝冷氣息

否塞百病方

蒜 六斤四兩去皮切水
四斗煮取一斗去滓

酥 一升內
蒜汁中

牛乳 二升

葶芡

胡椒

乾薑 各三
兩

石蜜

阿魏

戎鹽各二兩

石菖蒲

木香各一兩

乾胡桃四兩

右十二味為末內蒜汁中以銅器微火煎取一斗
空腹酒下一兩五日已上稍加至三兩二十日覺
四體安和更加至六兩此治一切冷氣甚良

衍義

蒜氣穢濁用以治穢濁之疾同氣相感之用然在
藜藿之人為當若素稟清癯者用之反傷清純之
氣良非所宜 其大蒜煎治諸冷痺疝瘕否塞百
病用椒薑葶木香菖蒲胡椒之烈以破積結牛
乳乳酥石蜜戎鹽佐胡桃之潤以化辛烈也

桔梗破氣丸 治氣上下否塞不能息方

桔梗 橘皮 乾薑

厚朴 枳實 細辛

葶藶各三分 吳茱各六分 白朮各六分

胡椒 川椒 烏頭各七分

葶藶十分 人參 桂心

附子 茯苓 前胡

防葵 川芎各五分 甘艸

大黃 檳榔 當歸各八分

右二十四味為末蜜丸如梧子大每服酒下十九

日三有熱者空腹服之

衍義

上下否塞不能布息故用桔梗橘皮前胡以散痞
防葵葶藶大黃以蕩實檳榔枳實厚朴以泄滯烏
頭附子細辛以破結川椒吳萸胡椒葶藶以下氣
乾薑桂心以溫中川芎當歸以和血人參白朮茯
苓甘艸以安正氣而助藥力也

枳榔湯 治氣實苦積聚不得食息方

枳榔三七枚

附子一枚

半夏一升

細辛一兩

乾薑八兩

大黃

紫苑

柴胡各三兩

橘皮

甘艸

紫蘇冬用子

茯苓各二兩

右十二味咬咀以水一斗煮取三升分三服相去
如人行十里久若有癥結堅實如石加鱉甲三兩
防葵二兩氣上加桑皮切二升枳實厚朴各二兩
消息氣力強弱進二劑後隔十日更服前桔梗破
氣丸

衍義

金匱大黃附子湯本治寒積脇下偏痛發熱脈緊
弦千金參入半夏生薑茯苓甘艸橘皮紫蘇紫苑
柴胡枳榔等味總皆大黃附子細辛三味之輔佐
耳

治積年患氣發作有時心腹絞痛忽然氣絕腹中
堅實醫所不治復謂是蠱方

檳榔 大者四枚 七枚 附子 一枚 半夏 一升

柴胡 三兩 生薑 八兩 橘皮

甘艸 桂心 當歸

枳實 各二兩

右十味咬咀以水一斗煮取三升分三服五日一
劑服三劑永除根本

衍義患氣者積氣也方用薑半橘皮以散氣附桂當歸
以破血檳榔枳實以泄滿柴胡甘艸以和諸藥之

性也

半夏湯 治逆氣心腹滿氣上衝胸脇痛寒冷心

腹痛嘔逆及吐不下食憂氣結聚方

半夏 一升 生薑 桂心 各五兩

橘皮 四兩

右四味咬咀以水七升煮取三升分四服日三夜
一人强者作三服亦治霍亂後吐逆腹痛

衍義此方專以破氣為主故於七氣湯中除去人參甘

艸易入橘皮以破滯氣即前治積年患氣中四味

專破血結痰積也

貝母湯 治上氣咽喉窒塞短氣不得臥腰痛

胸滿不得食面色黃萎方

貝母 一兩

生薑 五兩

桂心

麻黃

石膏

甘艸 各二兩

杏仁 三十枚

半夏 五合

右八味咬咀以水一斗煮取三升分三服日三

衍義

咽喉窒塞胸滿必是寒鬱熱邪不得發越故用麻杏甘石加薑半以滌痰涎桂心以通血脈貝母以清肺氣雖云輔佐實緩麻黃石膏之性耳

麻黃湯 治上氣脈浮欬逆喉中水雞聲喘息不

三通呼吸欲死方

麻黃 八兩

如博碁

甘艸 四兩

大棗 三十枚

射干 二枚

右四味咬咀以井泉水一斗煮麻黃三沸去沫內

藥煮取四升分四服日三夜一

衍義

於射干麻黃湯中除去生薑半夏細辛五味紫苑欬冬但加甘艸一味以和中氣也

奔氣湯 治大氣上奔胸膈中諸病發時迫滿短

氣不得臥劇者便愾欲死腹中冷濕氣腸鳴相

逐成結氣方

生薑 一斤

半夏

吳萸 各一升

桂心 五兩

人參

甘艸 各三兩

右六味咬咀以水一斗煮取三升分四服

義衍此卽五味七氣湯加吳萸以降逆氣也

枳實湯 下氣治胸中滿悶方

枳實 三枚

附子 二枚

大棗 十四枚

半夏 五兩

人參

甘艸

白朮

乾薑

厚朴 各二兩

右九味咬咀以水七升煮取二升半每服八合日

三

義衍於附子理中湯加枳半厚朴以祛濁痰大棗以通

津液

下氣湯 治氣滿腹脹方

半夏 一升

生薑 一斤

人參 一兩

橘皮 三兩

右四味咬咀以水七升煮取三升去滓分三服日

三 一方無人參止三味

義衍此卽大半夏湯去桂心之溫散加人參以助藥力

治氣兩脇滿急風冷方

杏仁

茯苓

防葵 各八兩

吳茱萸

橘皮

桂心

防風

澤瀉各五分

白朮

射干

芍藥

蘇子

桔梗

枳實各六分

右十四味為末蜜丸如梧子大酒服十九日二加至三十九

衍義

風冷攻注兩脇故用杏仁桔梗防風開發於上防葵射干枳實芍藥降泄於下茱萸桂心溫散於中茯苓澤瀉白朮橘皮分清於內也

訶黎勒丸 治氣滿閉塞不能食喘息方

訶黎勒十枚為末蜜丸如梧子大食服三丸不

忌得利即止

衍義

金匱治氣痢失氣用訶黎勒粥飲澀以收之千金治氣滿喘息用訶黎勒蜜丸潤以斂之蓋得粥則引入脾經以治痢下氣泄得蜜則引入肺經以治

喘息氣上各得引經之妙用耳

治上氣欬逆方

蘇子一升

五味子五合

麻黃

細辛

紫苑

人參

黃芩

甘艸各二兩

桂心

當歸各一兩 生薑五兩 半夏三兩

右十二味咬咀以水一斗煮取三升分三服

衍義

於小青龍湯中用當歸以芎藭生薑以易乾薑加人參以助半夏之運痰蘇子以輔麻黃之泄氣紫苑以佐細辛之散結黃芩斂生薑之辛散也治氣上不得臥神祕方

橘皮 生薑 紫蘇

人參 五味子各五兩一方作桔梗

右五味咬咀以水七升煮取三升分三服

衍義

橘皮生薑紫蘇皆散氣之品得人參五味之固斂

不使津隨氣泄乃散中用斂之捷法惟千金得之

治熱發氣上衝不得息欲死不得臥方

桂心半兩 白石英 麥冬

枳實 白蘇皮 貝母

茯神 檳榔仁 天冬各二兩半

車前二兩 人參 前胡

橘皮 白薇 杏仁各一兩半

郁李仁三兩 桃仁五分

右十七味為末蜜丸如梧子大以竹葉飲服十九

日三加至三十九

竹葉飲子

竹葉

蘇子

各一升

紫苑

白前

各二兩

百部

甘艸

生薑

各三兩

右七味咬咀以水八升煮取三升溫服下前丸藥盡更合

衍義

本虛邪實故用桂心石英人參茯苓神天麥冬冬固本滋津前杏橘貝白薇白蘇疎肺泄氣檳榔車前郁李桃仁分調血氣而順下之更以竹葉飲子清潤諸味但加生薑之辛散而下前丸上下開泄

其氣也

人參湯

安食下氣理胸脅并治客熱方

人參

麥冬

乾薑

當歸

茯苓

甘艸

五味子

黃芪

芍藥

枳實

各二兩

桂心

三兩

半夏

一升

大棗

十五枚

右十三味咬咀以水九升煮取三升去滓每服九合從旦至晡令盡皆熱服慎勿冷

衍義

方中參芪甘艸麥冬五味保元生脈之製也更兼

乾薑桂苓枳半大棗理中連痰當歸芍藥以和榮血也

海藻橘皮丸 下氣治風虛支滿膀胱虛冷氣上

衝肺息奔令咽喉氣悶往來方

海藻

橘皮

白前 各三分

杏仁

茯苓

芍藥

桂心 各五分

蘇子 五合

棗肉

桑白皮

昆布 各二兩

吳萸

人參

白朮

葶藶 各一兩

右十五味為末蜜丸如梧子大飲服十九日二加

至十五丸以小便利為度

衍義

海藻昆布葶藶皆破水滌痰伐腎之猛劑佐以蘇

子杏仁橘皮白前桑皮泄肺諸品不得以參朮

萸桂苓芍棗肉以安中氣之崩迫也

治氣上方

礪砂

細辛

牛膝 等分

右三味為末氣發酒服方寸匕後三日忌酒餘禁如藥法

衍義

氣上而用細辛牛膝從陰引陽病在上取之下也

其礪砂雖有破積攻堅噎膈反胃之治然毒烈不

減砒礬當是礪砂之誤字蹟相類性味相仿同為
柔五金去垢膩墮膈積聚之用但性稍遜而無化
人心為血之利害也

治上氣方

上酥一升

獨頭蒜 五顆

右二味先以酥煎蒜蒜黃出之用生薑汁一合其
煎令熟空腹溫服一方寸匕

衍義

前治結氣冷癥在脇下用蒜汁牛乳此用獨頭蒜
乳酥加薑汁以辟臭氣通神明似勝於前與大蒜
方中用乳酥乾薑同意

治上氣嘔吐方

芥子二升為末蜜丸寅時以井花水服如梧子
丸七九日二亦可作散空腹服之及有酒浸服并

治臍下絞痛

治勞氣方

小芥子三升搗末絹袋盛酒三斗浸密封七日
去滓溫服半升漸至一升半酒盡更合忌如藥

法

衍義

芥子辛溫專治脇下及皮裏膜外之痰恐其性暴
易散故以蜜丸酒服緩行其勢或搗末酒浸但

取氣味不用其滓尤得峻味緩攻之妙
治上氣三十年不瘥方

大棗

杏仁

各百枚

豉

一百二十粒

川椒

二百粒

右四味先搗杏仁豉令熟後內棗椒更搗為丸如棗核大含稍稍咽之日三夜一

衍義

川椒散冷氣杏仁散結氣香豉去惡氣大棗和中氣邪氣散而正氣安矣

治積年上氣不瘥垂死者方

葇蓉子

熬令色變

熟羊肝

薄切曝乾

右二味各搗等分以七月七日神酢拌令相著夜勿食空腹服二方寸匕須臾拾鍼兩食頃以冷漿白粥二匕止之隔日一服永瘥四十日內得煮飯汁作蕪菁羹食之已外一切禁斷

衍義

今世以葇蓉根治噎膈反胃取其性走以劫痰垢宿滯然性稟陰毒煮熟尚能生芽能使痰迷心竅令人狂惑見鬼不可不慎用羊肝者取其引入血分用酢拌者恐其惑亂神識故取酸收之義

下氣方

生薑

五兩

小麥

二升

右二味以水三升煮取一升頓服

又方

大棗

十四枚

紫蘇莖葉

切一升

右二味以酒三升煮取一升半分再服水煮亦得

一方加橘皮半兩

肘後無棗用橘皮

衍義

生薑散氣小麥安中不使木邪反平肺氣 又方

以紫蘇散氣大棗安中與生薑小麥同具散安之

用

治氣方

桃皮二升去黃者咬咀以水五升煮取三升每

服一升瘥止

又方

驢脂二合酒服日二瘥止

又方

黃牛乳二升煎取一升和生乳一升空腹服之

日二

又方

驢乳初服三合三日後服五合後至七合七日

後至一升忌葵菜猪魚油等

又方

尿空腹服百日即止治一切病

又方

烏牛尿空腹服日再至三升止

衍義

桃根皮辟邪散血 驢脂動風以為祛風之嚮導

黃牛乳補虛止渴治噎膈反胃大便燥結 驢

乳與牛乳同類兼能滋化風熱 童尿治噎膈火

逆上嘔下結 烏牛尿專滌垢膩噎膈脹閉者宜

之

補氣虛逆方

大棗 三升

柑皮 去膜 十具

乾薑 二兩

地黃 八兩

右四味治下篩酒四升漬棗三宿漉出棗取酒為
炊汁將棗內甑中微火蒸令棗膏入釜中酒裏煎
酒令至二升許候棗只存皮核乃止火貯器中將
前散及熱下攪令調大略與糖相似酒服二合日
再此方非止補氣亦通治一切短氣并形體羸瘦

神良

衍義

大棗滋運脾津柑皮利腸中熱毒乾薑治胸滿欬

逆地黃治傷中血痺 取柑皮以行大棗之滯地

黃以滋乾薑之烈

大補氣方

地黃 五兩

秦椒

甘艸 各一兩

骨皮

乾薑

昆布 各四兩

白朮

桂心

人參

厚朴

海藻 各三兩

羊腎 一具去膏

羊肚

一具去膏背治如食法

右十三味治下篩內羊肚中合腎縫塞肚口蒸極熟為度乘熱木臼合搗取肚腎與藥為一處曝乾更搗為散酒服方寸七日二

衍義

陽根於陰補氣必先滋血故首取地黃以滋薑桂

秦椒之燥以濟參朮甘艸厚朴之溫以助羊肚羊

腎之補以化海藻昆布之毒以佐骨皮清解標熱

旺氣也

白石英散明目利小便治氣及補五勞七傷無

所不治方

煉成白石英十兩

白石英無多少以錐子礮上細礮向明選去麤翳色暗黑

黃赤者惟取白淨者為佳搗篩磁器中研令極細熟以生絹袋於銅器中水飛盡如作粉法如此三度研訖澄之漸漸去水水盡至石英曝乾看中有粗惡不淨者去之堪用者更研使熟白絹袋盛著磁碗中以磁碗蓋之於三斗米下蒸之以飯熟訖取出懸之使乾更於磁器中研之

石斛

茯苓 各六分

掃葉山房

澤瀉

茯苓

橘皮

各一兩

兔絲子

三兩

右七味治下篩總於磁器中研令相得重篩酒服方寸七日二不得過服慎猪魚鵝鴨蒜冷酢滑

衍義

肺氣虛寒已極必需白石英為君佐以菴蓉兔絲引領虛陽歸宿下元不使上浮喘滿其餘石斛澤瀉茯苓橘皮通解石英之性耳

白石英丸 補養肺氣方

白石英

陽起石

磁石

菴蓉

菴蓉

地黃

各二兩半

栝藎根

石斛

白朮

五朱子

各二兩

防風

巴戟

各五分

桂心

人參

蛇牀子

各一兩

右十五味為末蜜丸如梧子大酒下十五丸加至三十九日二服

衍義

方中磁石專解石英陽起石之慄悍地黃專助兔絲菴蓉之滋精防風專鼓人參白朮之益氣石斛專輔巴戟之強陰栝藎根專化桂心之辛熱五味子專收蛇牀之燥烈用藥之奧全在配合得宜不可拘於藥性或隨佐使或相反激或用和解或寒

因寒用熱因熱用或補中寓瀉瀉中寓補或寒熱
交錯補瀉雜陳種種各具至理非熟擅金匱千金
之法者難以語此

補傷散 治肺傷善泄欬善驚恐不能動筋不可

遠行膝不可久立汗出鼻乾少氣喜悲心下急

痛痛引胸中臥不安席忽忽喜夢寒熱小便赤

黃目不能遠視唾血方

天冬 一升

防風

澤瀉

人參

阿膠 各一兩半

桔萇根

前胡

芍藥

石膏

乾薑

大豆卷 各二兩

紫苑

白薇 各一兩

桂心

白朮 各四兩

地黃

甘艸

山藥

當歸 各二兩半

右十九味治下篩食前酒服方寸七日三

此金匱薯蕷丸之變方除一十三味相同外其天

冬乃麥冬之變味柴胡乃前胡之變味澤瀉乃茯

苓之變味桔萇根乃杏仁之變味石膏乃桔梗之

變味紫苑乃川芎之變味惟麴棗二味無可變味

裁汰未為不可

理氣丸 治氣不足方

杏仁

桂心 各一兩

乾薑

益智仁 各二兩

右四味為末蜜丸如梧子未食服三丸以知為度
義衍理者補不足而損有餘也杏仁散肺氣桂心助肝
氣乾薑溫脾氣益智收腎氣補火以生土也

治冷氣氣短方

蜀椒五兩絹袋盛酒一斗浸二七日服之任意

多少

義衍蜀椒溫中下氣能使遊火下達命門而本經治欬

逆不獨主下氣也以其性稟五行氣辛能升味厚
能降周身上下無所不至一切虛寒逆乏無不宜
之

治讀誦勞極疲乏困頓方

酥

油

酒

白蜜 各二升

右五味合銅器中微火煎二十沸下之為準七日
七夜服令盡宜慎生冷

又方

人參

甘艸

茯苓

掃葉山房

當歸 各二兩

川芎

芍藥

地黃

黃芪

骨皮 各三兩

大棗 二十枚

右十味咬咀以水一斗煮取三升分三服 一方

桂心三兩

衍義

誦讀過勞氣傷聲瘖但需滋其氣道聲音自復方後垂戒宜慎生冷者恐其閉遏清陽之氣耳 若其人本元素虧又當從事參芪甘艸以保元芎歸芍地以滋血茯苓骨皮以清火大棗以滋脾家之津液也

治平短氣方

搗韭汁服一升立瘥

肘後方治卒上氣喘息便欲死

治乏氣方

生薑

枸杞葉 各二兩

右二味咬咀以水三升煮取一升頓服

治年少房多短氣方

豉 七合

梔子 十四枚

右二味以水二升煮豉取一升半去豉內梔子煮取八合服半升不瘥更服

衍義

死血留泊於肺胃而卒然短氣者用生韭汁之辛

以散之 暴寒襲於會膺而卒然氣乏聲啞者生薑汁之辛兼枸杞葉之苦以散之 少年房多短氣虛火上浮者取鼓下通腎氣梔子上散虛陽若病人舊有微溏者則長沙有不可用之之戒設或腎中真陽素虧而喘息短氣又當從事辛溫納氣歸源之法矣

灸法

凡上氣冷發腹中雷鳴轉叫嘔逆不食灸太衝不限壯數從痛至不痛從不痛至痛止
上氣厥逆灸胸膺百壯穴在兩乳間

胸膈中氣灸關膈百壯

扁鵲云第四椎下兩傍各一寸半名關膈

心腹諸病堅滿煩痛憂思結氣寒冷霍亂心痛吐下

食不消腸鳴泄利灸太倉百壯

太倉穴一名胃募在心下四寸乃胃脘下

一寸是

結氣囊裏鍼藥所不及灸胃募隨年壯胃募二穴從

乳頭度至臍中屈去半從乳下行度頭是穴

下氣灸肺膈百壯 又灸太衝五十壯

凡臍下絞痛流入陰中發作無時此冷氣灸關元百

壯穴在臍下三寸

短氣不得語灸天井百壯穴在肘後兩筋間 又灸

大椎隨年壯 又灸肺膈百壯 又灸肝膈百壯

又灸尺澤百壯 又灸小指第四指間交脈上七壯

又灸手十指頭合十壯

少年房多短氣灸鳩尾頭五十壯 又鹽灸臍孔中

二七壯

乏氣灸第五椎下隨年壯

論曰凡卒厥逆上氣氣攻兩脇心下痛滿淹淹欲絕
此為奔豚氣卽急作湯以浸兩手足數數易之

奔豚灸氣海百壯穴在臍下一寸半 又灸關元百

壯穴在臍下三寸

奔豚灸期門百壯穴直兩乳下第二脇端傍一寸五分

奔豚腹腫灸章門百壯章門一名長平穴在大橫外
直臍季脇端

奔豚腹腫不得息灸中極五十壯中極一名玉泉穴
在臍下四寸

奔豚上下腹中與腰相引痛灸中府百壯穴在乳下
三肋間

奔豚上下灸四滿二七壯穴俠丹田兩傍相去三寸
卽心下八寸臍下橫文是也

肺痿第六

論一首 方四首

論曰寸口脈數其人病欬口中反有濁唾涎沫出何也師曰此為肺痿之病何從得之師曰病熱在上焦因欬為肺痿或從汗出或從嘔吐或從消渴小便利數或從便難數被駛藥下重亾津液故得肺痿又寸口脈不出而反發汗陽脈早索陰脈不澀三焦踟躕入而不出陰脈不澀身體反冷其內反煩多唾唇燥小便反難此為肺痿傷於津液便如爛瓜下如豚腦但坐發汗故也其病欲欬不得欬欬出乾沫久久小便不利其脈平弱肺痿唾涎沫而不欬者其人不渴必遺溺小便數所以然者上虛不能制下故也此為肺中冷必眩師曰肺痿欬唾咽燥欲飲者自愈自張口者短氣也

甘艸乾薑湯

温臟治肺痿多涎唾小便數肺中

冷必眩不渴

若渴者屬消渴法

不欬上虛下不能制澁

方

甘艸 四兩

乾薑 二兩

右二味咬咀以水三升煮取一升半去滓分二服服此湯已小温覆之集驗肘後有大棗十二枚甘艸湯 治肺痿涎唾多出血心中温温液液方

翼方名
溫液湯

甘艸二兩咬咀以水三升煮取一升半去滓分
三服

衍義

金匱云熱在上焦因欬而為肺痿又云肺痿吐涎沫而欬痞其人不渴必遺尿小便數所以然者上虛不能制下故也此為肺中冷必眩多涎唾甘艸乾薑湯溫之方用炙甘艸溫肺兼乾薑以搜逐寒涎也 若心下溫溫液液欲吐不吐單用甘艸一味溫涌肺絡寒涎不煩乾薑搜逐之力服甘艸乾薑湯渴者屬消渴又當從白虎加人參例治也

生薑甘艸湯

治肺痿欬唾涎沫不止咽燥而渴

方

生薑

五兩

甘艸

四兩

人參

三兩

大棗

十二枚

右四味咬咀以水七升煮取三升去滓分三服

衍義

肺痿日久胃氣并虛雖用甘艸不得人參協助之力無以建溫肺之功且津氣既衰不能勝乾薑之燥故易生薑散肺之結佐以大棗運脾之津土沃金生虛則補其母上皆屬寒主治若屬熱者則有炙甘艸湯麥門冬湯白虎加人參湯等法在三隅

千金方卷十七
之反智者自能領悟也

麻黃湯 治肺脹欬而上氣咽燥而喘脈浮者心

下有水方

麻黃

芍藥

生薑

仲景用乾薑

細辛

桂心

各三兩

半夏

五味子

各半兩

石膏

四兩

右八味咬咀以水一斗煮取三升分三服

仲景名小青龍

加石膏湯用甘草二兩為九味

衍義

肺脹皆屬邪實非若肺痿雖有寒熱之分從無實

熱之例金匱有云上氣而燥者屬肺脹欲作風水

發汗則愈其治原有越婢加半夏湯小青龍加石

膏湯兩方千金麻黃湯即小青龍加石膏湯因集

方時偶失遺甘艸一味後世不敢擅補庸師不知

誤失相傳至今不改如初蓋小青龍加石膏中藏

越婢之法越婢加半夏中藏小青龍之法方中甘

艸皆不可缺乃治風水之方不獨發汗并祛肺

中涎水蘊熱全在半夏石膏輔佐麻芍桂辛之力

耳

肺癰第七

論一首方六首

論曰病欬唾膿血其脈數實者屬肺癰虛者屬肺痿

欬而口中自有津液舌上胎滑此為肺寒非肺痿若
口中辟燥欬即胸中隱隱痛脈反滑數此為肺癰也
問曰病欬逆師脈之何以知為肺癰當有膿血吐之
則死後竟吐膿死其脈何以別之師曰寸口脈微而
數微則為風數則為熱微則汗出數則惡寒風中於
衛呼氣不入熱過於榮吸而不出風傷皮毛熱傷血
脈風舍於肺其人則欬口乾喘滿咽燥不渴多唾濁
沫時時振寒熱之所過血為凝滯蓄結癰膿吐如米
粥始萌可救膿已成則難治寸口脈數跌陽脈緊寒
熱相搏故振寒而欬跌陽脈浮緩胃氣如經此為肺

癰師曰振寒發熱寸口脈滑而數其人飲食起居如
故此為癰腫病醫反不知而以傷寒治之不應愈也
何以知有膿膿之所在何以別知其處師曰假令膿
在胸中為肺癰其脈數欬唾有膿血設膿未成其脈
自緊數緊去但數膿為已成也

桔梗湯 治欬胸中滿而振寒脈數咽乾而不渴
時時出濁唾腥臭久久吐膿如米粥是為肺癰

方

桔梗 三兩集驗方用二兩
古今錄驗方用一兩 甘草 二兩

右二味咬咀以水三升煮取一升去滓分二服必

吐膿血也 一方有欬冬花一兩半

衍義

肺癰初起欬唾臭痰用桔梗以清肺氣利咽喉甘

艸去咽痛解熱毒金匱始萌可救之法也

葶藶 三兩為末

大棗 二十枚

瀉肺湯 治肺癰喘不得臥方

右二味咬咀以水三升先煮棗取二升去棗內葶藶二方寸匕煮取七合頓服令盡三日服一劑可至三四劑治肺癰胸脇脹一身面目浮腫鼻塞清涕出不聞香臭欬逆上氣喘鳴迫塞宜先進小青龍湯却服前藥 其小青龍湯方見前第九卷傷寒門

衍義

肺癰已成吐如米粥濁垢壅遏清氣之道所以喘不得臥鼻塞不聞香臭故用葶藶破水瀉肺大棗護脾通津乃瀉肺而不傷脾之法保全母氣以為向後復長肺葉之章本然肺胃素虛者葶藶亦難輕試不可不慎

皂莢丸 治肺癰初起欬逆上氣時時濁唾但坐不得臥方

皂莢八兩為末蜜丸如梧子大以棗膏和湯服三丸日三服夜一服 必效方以酥炙皂莢

衍義

此肺癰滌除痰垢之的方皂莢辛鹹力專去風拔

毒通關利竅破積攻堅之峻藥酥炙蜜丸潤其燥
烈服用棗膏和湯通達脾津然惟肥盛之人肥痰
支塞於竅絡始萌可救者為宜若潰後膿血過泄
及元氣瘠薄之人難勝搜剔者未可輕試所以干
金更立葦莖湯黃昏湯等方以補金匱之未逮
黃昏湯 治欬有微熱煩滿胸心甲錯是為肺癰
者方。

黃昏手掌大一塊是合歡皮也咬咀以水三升
煮取一升分二服

衍義合歡屬土與水補陰之功最捷其幹相著即黏合

不解故治肺癰潰後長肺之要藥一名合昏又名
黃昏寧無顧名思義之意存焉

葦莖湯方

葦莖仁

瓜瓣

桃仁

葦莖

切二升水二斗
煮取五升去滓

右四味咬咀內葦汁煮取二升服一升當有所見

吐膿血

衍義

葦莖下氣利水本經治筋急拘攣不可屈伸能清
脾濕祛肺熱所以虛勞欬嗽肺痿肺癰虛火上乘
皆取以為下引之味但性專利水津氣受傷者服

之每致燥渴不若取其根一味搗汁熱飲三合連
飲三五次不論癰之已潰未潰服之最捷甜瓜瓣
專於開痰別錄治腹內結聚破潰膿血善逐垢膩
而不傷伐正氣為腸胃內癰要藥桃仁治瘀血血
閉性專下走而無上逆之虞葦莖專通肺胃結氣
能使熱毒從小便泄去以其中空善達諸竅用莖
而不用根本乎天者親上也

桂枝去芍藥加皂莢湯 治肺癰吐涎沫不止方

桂枝

生薑 各三兩

甘草 二兩

皂莢 一兩

大棗 十五枚

右五味咬咀以水七升煮取三升去滓分三服

義衍

桂枝湯和榮衛藥千金去芍藥之酸收叅入皂莢

一味即金匱皂莢丸不用蜜丸而入湯液然不若
用湯送丸不使皂莢之味棘喉尤為得宜此惟肥
盛多濕濁垢支塞肺胃者方為合劑若瘦人津液
素槁雖有痰血亦難勝皂莢之蕩滌也 此方向
列肺痿例中因世本方中刊作肺痿吐涎沫乃魯
魚之誤今力正之

飛尸鬼疰第八

論一首 方四十二首
灸法十四首

論曰凡諸心腹痛服眾方熱藥入腹寂然不動但益

氣息急者此尸疰病也宜先服甘艸汁一升消息少
時服瞿麥湯盡一劑得下便覺稍寬并暴癥堅結宿
食及女人血堅痛發作無定者神良

五疰湯 治卒中賊風遁尸鬼邪心腹刺痛大脹

急方

大黃 各三兩 甘艸 各三兩 當歸 各三兩

芍藥 各二兩 烏頭 十枚 桂心 四兩

生薑 各一斤

右八味咬咀別漬大黃以水九升煮取三升烏頭
別內蜜中煎合得一升和湯中去滓分服三合如

人行三十里久更進一服日三不知加至四合

術義

賊風五疰之邪心腹刺痛脹急服熱藥寂然不動
但氣息反急者以其氣逆上衝必干于肺所以干

金類附此門宜先服甘艸湯者取其解毒也少頃

服瞿麥湯者取其利小便也本經謂瞿麥能出刺

極言逐邪拔毒之速也五疰湯中用烏頭薑桂辛

烈祛辟陰邪即兼歸芍護持營血甘艸蜂蜜解毒

安中除邪養正之大略也

蜈蚣湯 治惡疰邪氣往來心痛徹背或走入皮

膚移動不定苦熱四肢煩痛羸乏短氣方

蜈蚣 一枚
牛黃 一分
丹砂

人參 各三分
大黃 二兩
鬼臼

細辛
當歸
桂心

乾薑 各一兩
黃芩
麝香 各半兩

附子 四枚

右十三味咬咀以水一斗煮取三升去滓下牛黃麝香末分三服

^{衍義}方中丹砂牛黃麝香鬼臼辟邪即用參附薑桂安

正大黃黃芩開泄熱毒之去路也

治卒中惡賊風寒冷入腹便絞痛或飛尸遁尸發

作無時搶心胸滿脇痛如刀刺口噤者方

吳茱萸 桂心 芍藥 各二兩

乾地黃 乾薑 茯苓

甘艸 細辛 當歸

羊脂 各一兩
梔子仁 十五枚

右十一味咬咀以水八升煮取三升去滓內脂燂盡分三服欲利者加大黃三兩

^{衍義}方中藥味與前後諸方相類惟羊脂治賊風痠痺

去經絡熱毒突出意表

治卒中惡風角弓反張或飛尸遁尸心腹絞痛方

乾地黄

芍藥

當歸

茯苓

甘艸各一兩

芍藥

吳茱萸

桂心

乾薑各二兩

梔子仁十四枚

右十味咬咀以水八升煮取三升分三服痛甚者加羊脂二兩人參當歸芍藥各一兩心腹堅急加

大黃三兩

衍義

卒中惡風角弓反張首用地黃兼芍藥芍藥以解血脈中之熱毒養血榮筋治風先治血也

桃皮湯 治中惡氣心腹痛胸脇脹滿方

桃白皮一握東引者 真珠

附子各一兩

梔子仁 當歸三兩

吳茱萸二兩

豉五合 桂心二兩

右八味咬咀以水五升煮取二升去滓同真珠末分作二服一方無當歸已下四味

桃奴湯 治中惡諸尸蠱疰心腹卒絞痛方

桃奴 人參 當歸

乾薑各二兩 芍藥 甘艸各三兩

桂心 茯苓 鬼箭羽

犀角 丹砂 麝香各一兩

右十二味咬咀以水九升煮取二升半去滓分二服大便不通腹滿加大黃三兩胡洽無丹砂芎

翦有雄黃一兩

衍義

桃皮湯取桃根白皮辟邪散血真珠鎮心安神以佐萸附辛温散結梔豉分解旺氣也 桃奴湯中

專取桃奴殺鬼精物鬼箭羽破血除風其間乾薑卽前方萸附之意犀角卽梔豉之意桂心當歸散血温經之用則一其餘諸味可以意推

治卒中風寒冷温氣入腹臚脹急滿搶心胸脇久痛氣息不通脈弦緊汗不出及傷寒方

吳茱萸

當歸

麻黃

獨活

甘艸

桔梗

茯苓各二兩

桂心

青木香

大黃

石膏

犀角各三兩

右十二味咬咀以水九升煮取三升分三服日三治風冷入腹忽絞痛緊急如吹大小便閉小腹有氣結如斗大脹滿其脈弦緊或沉遲者方

瞿麥

當歸

鬼箭羽

猪苓

桔梗

吳茱萸

海藻

川芎

防已各二兩

桂心

大黃各三兩

犀角二兩

右十二味咬咀以水九升煮取三升分三服

衍義

卒中風寒時行溫氣人腹用麻黃大黃石膏犀角

等味分逐中外諸邪 風冷入腹專用瞿麥茺菀

桂心海藻防已大黃祛邪內泄也

治諸雜症相連續死及治三十年衆症方

桃根白皮一斤咬咀以水二斗煮取一斗去滓

分八九服須令二日服盡

崔氏用桃根白皮治症心腹痛不可忍者

又方

桃仁十四枚搗研酒服

又方

小芥子末雞子白和傳

尸疰鬼疰者卽五尸之中尸疰又挾諸鬼邪爲害

也其變動乃有三十六種至九十九種大略令

人寒熱淋瀝沉沉默默不得知其所苦而無處

不惡累年積月漸就頓滯以至於死死後復疰

易傍人乃至滅門覺如此候者宜急療之方

獺肝一具陰乾治下篩水服一方寸七日三如

一具不瘥更作

衍義

桃根白皮取其辟邪

桃仁取其散血

芥子入

掃葉山房

肺利氣豁痰兼有辟惡之功 獺肝專殺瘵蟲兼
療殭瘕

小附著散 治飛尸賊風發時急痛不在一處鍼

之則移發一日半日乃瘥須臾復發者方

細辛 天雄 甘艸各一分一
作莽艸

桂心三分 烏頭 附子

乾薑各一兩 真硃 雄黃各半兩

右九味治下篩酒服方寸匕不知稍增以知為度

胡洽不用桂心附子有蜀椒四分

大附著散 治五尸症忤與前狀同者方

天雄 桂心各半兩 細辛

乾薑 雄黃 黃芩

黃連 由跋 椒目各一兩

金牙 犀角 麝香

牛黃各一分 真珠三分 蜈蚣一枚

右十五味治下篩酒服一錢七日三服以知為度

衍義方中一派辛烈辟除邪毒之藥獨取真硃以安神

識甘艸以和胃氣 大附著散中天雄雄黃金牙

由跋蜈蚣麝香牛黃犀角無所不具專取芩連以

泄邪熱惡毒也

後金牙散 治鬼疰風邪鬼語尸疰或在腰脊胸脇流無常處不喜見人心意不定面脫色目赤鼻張脣乾甲黃者方

金牙

雄黃

鐵精

曾青

珍珠

丹砂

野葛

芎藭

露蜂房

大黃

甘草

蛇蛻皮

藜蘆

乾漆

石長生

狸骨

一作鶴骨

鬼白

鬼箭羽

桔梗

烏頭

鬼督郵

椒目

狼毒

蕪荑

藜蘆

雷丸

芫青

滑石

各二分一作硝石

毒公

鱉甲

牛黃

人參

胡燕屎

狼毒

桂心

各四分

寒水石

蜈蚣

蜥蜴

附子

各一枚

蜣螂

亭長

各七枚

石膏

五分

徐長卿

斑貓

各十枚

貝母

二枚

石四十五味治下篩先食以酒服一刀圭日再不
知漸加之蟲隨大小便出崔氏名四蜀金牙散

衍義

衍義附見前十二卷膽腑門大金牙散下

前大金牙散 治一切疰病 方見十二卷膽腑門

白朮散 治風入臟腑悶絕常自躁痛或風疰入

身冷疰鬼疰飛尸惡氣腫起或左或右或前或

後或內或外鍼灸流移無有常處驚悸腹脹氣

滿心頭痛或恍惚悲懼不能飲食或進或退陰

下濕癢或大便有血小便赤黃房中勞極方

白朮 十四枚 附子 秦艽

人參 牡蠣 蜀椒

細辛 黃芩 川芎

牛膝 各三分 乾薑 桂心

防風 各五分 獨活 柴胡

桔梗 茯苓 當歸 各四分

烏頭 天雄 甘艸

莽艸 麻黃 石南

杜仲 栝蒌根 各二分

右二十六味治下篩平旦酒服五分七訖如人行

七里久勢欲解更飲酒五合為佳

太乙備急散 治卒中惡客忤五尸入腹鬼刺鬼

痹及中蠱疰吐血下血及心腹卒痛腹滿傷寒

熱毒病六七日方

雄黃

桂心

芫花各二兩

丹砂

蜀椒各一兩

藜蘆

巴豆各一分

野葛三分

附子五分

右九味巴豆別研如脂餘合治下篩以巴豆合和更搗置銅器中密貯之勿泄有急疾水服錢五七可加至一錢七老小半之病在頭當鼻衄在膈上吐在膈下利在四肢當汗出此所謂如湯沃雪手下皆愈方宜祕之非賢不傳

龍牙散 治百疰邪鬼飛尸萬病方

龍牙

茯苓各二兩半

雄黃

芍藥

棗膏各五分

乾地黃

石斛

胡燕屎各三分

鬼箭羽

烏頭

羌活

露蜂房

曾青

珍珠

桂心

杏仁

防風

桃奴

鬼臼

鸛骨各一兩

人參

大黃各一兩半

白朮二兩

蘇子四合

橘皮

甘艸

川芎

遠志

鱉甲

鬼督郵

銅鏡鼻

各半兩

狸陰

一具

蜈蚣

一枚

右三十三味治下篩酒服一斗圭以知為度當有蟲從大便出

衍義

諸症方中惟此因房中勞極故用法稍平雖有麻辛莽艸烏附天雄之毒劣然得參苓歸芍等味涵養血氣不致大傷元氣也 太乙備急散彙集芫花黎蘆野葛巴豆之毒劣濟以丹砂雄黃蜀椒桂附亦是峻銳之伍 龍牙散中鶴骨狐陰雄黃曾青烏頭三鬼辟邪攻毒之味無不畢具宜為百症萬病之類治也

治鬼疰蠱疰毒氣變化無常處方

犀角

麝香

丹砂

雄黃

鹿角

龍骨

鮫魚皮

蜈蚣

丁香

蘘荷根

蜀椒

乾薑

各一分

貝子

十枚

右十三味治下篩酒服方寸匕加至二七日三

衍義

方中丹砂雄黃鮫魚皮貝子之屬皆疰病之治獨蘘荷根專為蠱毒而設

備急丸

治卒中惡風氣忤迷絕不知人

方見前第十一

墨奴散 治卒得惡疰腹脹方

釜下墨 一合 鹽 二合

右二味合治以水一升半煮取八合一服令盡須
與吐下即瘥

治暴心痛面無顏色欲死者方

以布裹鹽如彈丸大燒令赤置酒中消服之利
即愈

治哭疰方

梳齒間刮取垢水服之

又方

亂髮 一兩

臘月猪脂 二合

右二味取猪脂煎髮令消烱服之蟲死矣

又方

熬大豆帛裹熨之

治一切病食疰方

凡食上得
病為食疰

取釜下土如雞子大為末酢泔清一升和服之
行五十步吐即瘥

又方

還取本食種數多少相似各少許和合布裹燒

灰如杏仁大水服之

衍義

墨奴散用金墨之同氣相引得鹽之鹹而涌之上

泄也 暴心痛面無顏色火氣上逆可知但需燒

鹽酒服以抑之下泄也 哭症是火燥金象肺絡

中為涎垢所積故用梳齒刮垢水服取吐以泄火

毒 猪脂髮灰金匱名猪膏髮煎治瘀血發黃陰

吹正暝等疾取其能破血通津也 大豆熬熱裹

熨取其溫暖散氣 食症因飽食以受邪食滯膈

上故曰食症用釜月下土醋服取吐在上者因而

越之也 又方以所食之物燒末服之以消化所

傷之物此惟黎藿之人宜之

鸛骨丸 治飛尸遁尸積聚胸痛連背走無常處

或在臟或腫在腹或奄奄然而痛者方

鸛骨 三寸 丹砂 一作丹參 牡蠣 一作牡丹

雄黃 莽草 各四分 藜蘆

桂心 野葛 各二分 蟹螯

芫青 各十枚 蜈蚣 一枚 巴豆 四十枚

右十二味為末蜜丸如小豆每服二九日三以知為度

衍義

鸛善噉蛇故其骨能療尸症史以蟹螯芫青莽艸

藜蘆蜈蚣野葛等味彙入一方以毒攻毒

蜥蜴丸 治癥堅水腫飛尸遁尸寒尸喪尸尸疰

骨血相注惡氣鬼忤蝮毒邪氣往來夢寤存亡
留飲結積虎狼所嚙獠犬所咋鴆毒入人五臟
服藥以殺其毒毒即消婦人邪氣鬼忤亦能遣
之之方 方見前第十一卷
肝臟門積聚篇中

桔梗丸 治毒疰鬼疰食疰冷疰痰飲宿食不消

酒癖諸病方

桔梗

藜蘆

皂莢

巴豆

附子 各二兩

右五味為末蜜和搗萬杵丸如梧子大宿不食平
旦飲服二丸仰臥服勿眠至食時膈上吐膈下下
去惡物如蚪蚪蝦蟆子或長一二尺下後當大虛
口乾可作雞羹飲五合太極飲食粥一升三四日
病未盡更服忌如藥法

衍義

桔梗藜蘆皂莢涌吐巴豆攻下附子以奮諸藥之
力也

十疰丸 治十種疰氣疰勞疰鬼疰冷疰人疰死

人疰尸疰食疰水疰土疰等方

雄黃

巴豆 各二兩

人參

甘艸

麥門冬

細辛 一作藁本

桔梗

附子

皂莢

蜀椒 各一兩

右十味為末蜜丸如梧子空心服五丸日二稍加以知為度

衍義

十疰丸取桔梗丸中四味不用藜蘆而用雄黃細辛蜀椒之辛烈辟邪且得人參甘艸麥冬雖云助長辛烈之性究竟良藥可保護津氣不似桔梗丸之一派峻銳耳

太乙神明陷冰丸 治諸病破積聚心下支滿寒

熱鬼疰長病欬逆唾噫辟除眾惡鬼逐邪氣鬼擊客忤中惡胸中結氣咽喉閉塞有進有退繞臍絞痛惻惻隨上下按之跳手心中溫溫如有蟲狀毒疰相染甚至滅門者方

雄黃 二兩

當歸 三兩

丹砂

礬石 一作礬石

桂心

大黃 各二兩

芫青 五枚

藜蘆

附子 各一兩半

人參

珍珠

麝香

鬼臼

犀角

牛黃 各一兩

蜈蚣 一枚

射罔 一兩

烏頭 八枚

杏仁 三十枚

蜥蜴 一枚

雉雞

地膽 各七枚

蟹螯 各七枚

巴豆 一分

右二十四味為末蜜和搗三萬杵丸如小豆先食服二九日再不知稍增又以二九著門上令眾邪不近如傷寒服之無不愈若至病家及視病人夜行獨宿服二九眾邪不能近也

胡洽無桂心芫青人參珍珠犀角麝

香射罔牛黃蜥蜴烏頭檮雞當歸十二味藥

符義

陷冰為名者毒邪得藥如水泮渙也方中二十四味除人參丹砂犀角珍珠餘皆大毒大劣上吐下泄之味允為辟除邪罔之用也

江南度世丸

治萬病癥堅積聚伏尸長病寒熱

疰氣流行皮中久病著床肌肉消盡四肢煩熱嘔逆不食傷寒時氣惡疰汗出口噤不開心痛

方

蜀椒 三兩

人參

細辛

甘艸 各二兩

茯苓

珍珠

大黃

乾薑

丹砂

野葛

桂心

雄黃

麝香

鬼白 各一兩

烏頭

牛黃 各二分

附子

紫苑 各六分

巴豆 六十枚

蜈蚣 二枚

右二十味為末蜜丸如小豆飲服二九加至四九

日二服加獺肝一具更良

大度世丸 治萬病與前狀同者方

牛黃

大黃

雄黃

珍珠

丹砂

人參

附子

細辛

甘艸

射罔

鬼臼

莽草 各一兩

蜀椒

麝香

鬼箭羽

桂心

茯苓

紫苑 各二兩

乾薑 三兩

野葛 一尺

蜥蜴

蜈蚣 各一枚

地膽 五十枚

芫青 二十枚

樗雞 三十枚

巴豆 八十枚

右二十六味為末蜜丸如小豆大飲服二九日二

先食服之

衍義

度世而分江南見南方風氣柔弱不勝猛劑峻攻不似大度世丸之毒烈倍甚也 大度世丸中射

罔莽艸蜥蜴芫青樗雞無不畢具其迅劣之威與

陷水丸不相上下也

治瘧病相染易及霍亂中惡小兒客忤長病方

獼肝 一具

蜈蚣 一枚

麝香 一分

雄黃

莽艸

丹砂

鬼臼

犀角

大黃

巴豆

牛黃 各一兩

右十一味為末蜜丸如麻子空腹服二丸至三丸以知為度

衍義

療疰傳染雖有雄黃巴豆鬼臼莽艸牛黃麝香不用獼肝不能使傳尸癆瘵絕跡也

雷氏千金丸 治行諸氣宿食不消飲食中惡心

腹痛如刺及瘡方

硝石 三分

大黃 五分

桂心

乾薑 各二兩

巴豆仁 六十枚

右五味為末搗三千杵蜜丸如大豆服二丸神驗無比已死者折齒灌之

衍義

於三物備急丸中更多硝石桂心二味以破堅積之邪乃三皇時古方也

治卒得尸疰毒痛往來方

杏仁

亂髮灰 等分

右二味研如脂丸如梧子每服酒下三丸日三服以猪膏和丸

治遁尸尸疰心腹刺痛不可忍者方

桂心

乾薑

各一兩

巴豆仁

二兩

右三味治下篩以上醋和如泥傅病上乾即易之
治遁尸尸疰心腹及身有痛處不得近者方

取艾小援令碎著痛上厚一寸餘熱湯和灰合

強熱置艾上冷即易不過二三度瘥

治遁尸飛尸又治暴風毒腫流入四肢頭面方

白芥子一升蒸熟搗以黃丹二兩攪和分作兩

分用疎布袋盛更蒸使熱薄痛上當更迭蒸袋

常使熱薄之如此三五次即定

治人皮膚中痛苦名癩疰方

醋和燕窠土傅之

治走疰方

燒車缸令熱暫入水以濕布裹熨痛上

治三十年氣疰方

豉心

半升

生椒

一合

右二味以水二升煮取半升適寒温用竹筒吸取
汗令病者側臥手擘大孔射灌之少時當出惡物

此法垂死悉得治瘥百千不可具說

衍義

卒得死疰邪未深入但用杏仁以泄滯氣髮灰以

散結血 遁尸尸疰心腹刺痛皆陰毒爲患故於
備急丸中陰去大黃之純陰易入桂心助陽醋和
傳痛處以破陰邪之祕拒 屍疰心痛不似心腹
刺痛之勢劇故以艾鋪熱熨取純陽之火以散陰
毒之邪耳 芥子祛痰黃丹拔毒二物蒸熨便熱
氣內達以散結積之毒 皮膚中痛風濕原來深
入但取燕泥醋和以收其邪可無藉於湯藥 痛
而走疰風火之象故以車缸燒熨取其流動之意
耳 鼓解惡毒椒散結氣從上而引濁惡下泄魄
門亦肺與大腸之竅也

灸法

凡五尸者飛尸遁尸風尸沉尸尸疰也今皆取一方
兼治之其狀腹痛脹急不得氣息上衝心胸傍攻兩
脇或塊壘踊起或牽引腰背治之之法灸乳後三寸
男左女右可二七壯不止者多其壯數取愈止 又
灸兩手大拇指頭各七壯 又灸心下三寸十壯
又灸乳下一寸隨病左右多壯數 又以細繩量患
人兩乳頭內卽裁斷中屈之又從乳頭向外量使當
肋罅於繩頭灸三壯或七壯男左女右
卒疰忤攻心胸灸第七椎隨年壯 又灸心下一寸

三壯 又灸手肘文隨年壯

一切病食症灸手小指頭隨年壯男左女右

五毒症不能飲食百病灸心下三寸胃脘十壯

水症口中經云肺來乘腎食後吐水灸肺膈 又灸

三陰交 又灸期門穴在乳下二肋間瀉肺補腎也

各隨年壯

一切症無新久先仰臥灸兩乳邊斜下三寸第三肋

間隨年壯可至三百壯又治諸氣神良一名疰疰

孫真人千金方衍義卷十七 終

